



UNIVERSITÄTS-
BIBLIOTHEK
PADERBORN

Baldvini Cabilliavi E Soc. Iesv Magdalena

Cabilliau, Baudouin

Antwerpen, 1625

XXIII. Nomen Iesv scripturit suis lacrymis Magdalena.

[urn:nbn:de:hbz:466:1-70461](https://nbn-resolving.org/urn:nbn:de:hbz:466:1-70461)

164. BALDVINI CABILLIAMI LIBER V.
MAGDALENA SPINA MVNDO,
MAGDALENA DOS AMORI,
LILIVMQVE LACRYMARVM;
MAGDALENA CANDIDATVS
FLOS ROSAE RVBENSQVE, MISTVM
LACRYMIS BIBENS CRVOREM.

XXIII.

*Nomen IESV scripturit suis lacry-
mis MAGDALENA.*

QVID premis angusto luctantes pectore
flammas,
Atque indignantes claustra maligna rogos?
Immensis animanda globis incendia curto
Quis celet gremio? quã data porta, ruant.
Sed pudor inclusas arcto sub carcere flammæ
Opprimat, obluetans corde sub indomito.
Nec potis est pando prorumpere luctus hiatu,
In gemitus, questus, flammæ uomasque preces.
Quid facias, quæris? quid lamentabile ploras,
Ah! suspiria hiante ægra trahens gemitu?
Suadeo flendo loqui, non voce sonante, querelas
Nil opus hîc verbis, vox ubi viua liquor;
Ille liquor riguo qui lumine stillat Amorem,
Quique suis animi vulnera scribit aquis.
Scribitur: & quidnam? guttã cum trudit euntem
Gutta sequens, sudis I dedit ire genis.
Multæ litura cadit, & littera multæ; sequaci
I de crystallo lacryma longa trahit.
Iam longis I stabat aquis; iamque ibat IESVS:
Conturbat fluidas plurima lympha notas.

Nam

Nam lacrymas tereti filo quas nebat ocellus,
 Nunc glomerat densis turbidus amnis aquis:
 Parca sed vndantes castigat habena liquores,
 Et rursus tenui fletus in imbre cadit;
 Iamque nouo tractu rursus serpebat Iesus:
 Hæsit in I; rapidis cetera delet aquis.

X X I V.

*Serpentes crinibus MAGDALE-
 NAE inerrant.*

TE tortili dolosus
 Draco ligat flagello,
 Et sibilas in iras
 Armat caput Medusæ.
 Ludus Medusa, ludus,
 Ludus tui dracones,
 Sed dirus ambo ludus.

X X V.

*Angues implexos crinibus MAGDA-
 LENA lacrymis oppugnat.*

TANTVM nefas venustis
 Errare tu capillis
 Sines, fines inultum?
 Impunè tot cerastæ
 Adulterant pudicam
 Frontem feris colubris,
 Et os tibi flagellant
 Vibice crispifuscâ?
 Num sic inexpectati

Hydri